

տակաց, և յետս կացին յամբատանու թենէ իւրեանց : Եւ դատաւորն հրաման ետ փոխանորդաց երկց, ախրել իւրաքանչիւր ազգաց բաժնի իւրում . 1091 (1680) :

Իսկ Յակոբ Կաթուղիկոս լուեալ զանցս Հայոց եզելոց 'ի Կոստանդինուպօլիս, ցաւակից լինէր հոգւով չափ տարաբարտ վիճակի հօտին իւրոյ . կամեցաւ դարման մատուցանել այսմ ամենայնի, և ոչ հայեցեալ 'ի ծերութիւն իւր' ել յէջմիւս ձեռք և ճանապարհ արար միւսանգամ 'ի Կոստանդինուպօլիս : Եւ հասեալ անդր յամենանն Գեկտեմբերի (1679), գրեաց անտի թուղթ սիրոյ առ Եզիազար յամենանն Յունվարի, և ասէ . սիրեցեալդ իմ 'ի Քրիստոս պատուական եղբայր, հայեաց եւ ազելսորով լեր 'ի վերայ թշուառութեան մերայոց՝ որք կան 'ի թագաւորական քաղաքիս . զի և դու մասամբ իւրք եզեր պաածառ ցաւոցս այսոցիկ . եկ այսր և խորհուրդ արարեալ գտցուք զելս հնարից յօգուտ ազգին : Եւ Եզիազար թէպէտեւ յօժարեցաւ գնալ, բայց յամեալ փոքր մի գրեաց պատասխանի առ Յակոբ Կաթուղիկոս, և ասէ . մերձեալ են աւուրք ազուհացից և կայ առաջի տօն Զատիկի և ժողովեալ են աստ ուխտաւորք բազումք, որք ոչ թողուն ելանել ինձ աստի նախ քան ըզտօն Ս . Յարութեան, վասն սրոյ խնդրեմ ներել դանդազանացս : Եւ Յակոբ Կաթուղիկոս երկայնամտեալ զտեղի կալաւ 'ի Կոստանդինուպօլիս :

Յայնժամ մատուցեալ երեմիա Չէլչպի առ Յակոբ Կաթուղիկոս՝ յորդորեաց զնա առաքել զՄարտիրոս վարդապետ յերուսաղէմ հանդերձ յանձնարարական թղթով՝ զի գնացեալ անդր՝ հաշտեսցի ընդ Եզիազարու եւ հանդարտեսցի . և 'ի դարձին նորա՝ եթէ կամեսցի՝ եկեսցի ընդ նմա 'ի Կոստանդինուպօլիս : Եւ 'ի հաւանիլ Կաթուղիկոսին, հաճեալ և Մարտիրոսի՝ ել և գնաց յերուսաղէմ, և Եզիազար սիրով ընկալաւ զնա, և ետ նմա առանձին տեղի բնակութեան 'ի դարպասի : Յետ քանի մի աւուրց նուիրեցան տմանք ձեռնադրիլ Եզիակոպոս յԵզիազարէ իրրեւ 'ի Կաթուղիկոսէ իւրեանց . իսկ Եզիազար ասէ ցնուիրեալսքն . գնացէք ասացէք Մարտիրոս վարդապետին, զի եկեալ աղբակեսցէ վասն ձեր, եւ յայնժամ ձեռնադրեսցի զձեզ :